

Bosna i Hercegovina
Federacija Bosne i
Hercegovine
Kanton Sarajevo
Grad Sarajevo
**OPĆINA CENTAR
SARAJEVO**
Općinski načelnik



Bosnia and Herzegovina
Federation of Bosnia and
Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и
Херцеговине
Кантон Сарајево
Град Сарајево
**ОПШТИНА ЦЕНТАР
САРАЈЕВО**
Општински начелник

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06 i 51/09), člana 25. i 74. Statuta Općine Centar Sarajevo-prečišćeni tekst ("Službene novine Kantona Sarajevo" broj 23/04) člana 4. Pravilnika o kriterijima i raspodjeli novčanih sredstava za dodjelu jednokratne novčane pomoći putem sufinansiranja troškova nabavke ortopedskih pomagala i prilagođavanja stambenih objekata i motornih vozila invalidnim licima („Službene novine Kantona Sarajevo“ broj 15/21 i 47/23) i tačke 20. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj 37/24) i Odluke o pokretanju postupka raspisivanja i provođenja javnog poziva, Općinski načelnik objavljuje

JAVNI POZIV
za dodjelu jednokratne novčane pomoći putem sufinansiranja troškova nabavke ortopedskih pomagala i prilagođavanja stambenih objekata i motornih vozila invalidnim licima

1. PREDMET JAVNOG POZIVA

Predmet ovog Javnog poziva je dodjela jednokratne novčane pomoći putem sufinansiranja troškova nabavke ortopedskih pomagala i prilagođavanja stambenih objekata i motornih vozila osobama sa invaliditetom.

2. FINANSIJSKA SREDSTVA

Sredstva za dodjelu jednokratne pomoći su predviđena Budžetom Općine Centar Sarajevo za 2025. godinu i raspoređivat će se u skladu sa Pravilnikom o kriterijima i raspodjeli novčanih sredstava za dodjelu jednokratne novčane pomoći putem sufinansiranja troškova nabavke ortopedskih pomagala i prilagođavanja stambenih objekata i motornih vozila invalidnim licima („Službene novine Kantona Sarajevo“ broj 15/21 i 47/23) sa budžetskih pozicija:

- 615211-1 Kapitalni transferi pojedincima Prilagođavanje stambenih obj. invalidnih lica i motornih vozila u iznosu od 15.000,00 KM
- 615211-9 Kapitalni transferi pojedincima nabavka pomagala za invalidna lica u iznosu od 15.000,00 KM

Planiran iznos sredstava za ove namjene u Budžetu Općine Centar Sarajevo za 2025. godinu iznosi 30.000,00 KM. Raspoloživa sredstva po ovom javnom pozivu utvrdit će se nakon zatvaranja javnih poziva objavljenih u skladu sa Odlukom o privremenom finansiranju.

Osoba sa invaliditetom može ostvariti pomoć u sufinansiranju nabavke ortopedskog pomagala u iznosu 50 % od predračunske vrijednosti nabavke ortopedskog pomagala, s tim da jednokratna pomoć ne može prelaziti iznos od 3.000,00 KM.

Osoba sa invaliditetom može ostvariti pomoć u sufinansiranju ugradnje invalidskih komandi u motorno vozilo koje mu služi kao ortopedsko pomagalo u iznosu od 50% predračunske vrijednosti ugradnje, s tim da jednokratna pomoć ne može preći iznos od 2.000,00 KM.

Osoba sa invaliditetom može ostvariti pravo na jednokratnu pomoć u sufinansiranju izgradnje pristupne rampe, podizne platforme ili invalidskog lifta i prilagođavanja stambenog objekta u iznosu 50 % od predračunske vrijednosti nabavki ili radova, s tim da jednokratna pomoć ne može prelaziti iznos od 10.000,00 KM.

Sredstva koja se dodjeljuju ne predstavljaju državnu pomoć u smislu Zakona o sistemu državne pomoći u BiH.

3. CILJ DODJELE POMOĆI PUTEM JAVNOG POZIVA

Cilj dodjelje sredstava jeste obezbjeđenja boljih uslova života osoba sa invaliditetom.

4. UVJETI ZA OSTVARIVANJE PRAVA NA JEDNOKRATNU NOVČANU POMOĆ

Pravo na dodjelu jednokratne novčane pomoći putem sufinansiranja troškova nabavke ortopedskih pomagala i prilagođavanja stambenih objekata i motornih vozila invalidnim licima imaju lica u stanju socijalne potrebe pod uvjetom da ispunjavaju slijedeće kriterije:

- a) Da podnosilac zahtjeva ima najmanje godinu dana prebivališta na području općine Centar Sarajevo prije podnošenja zahtjeva;
- b) Da je podnosilac zahtjeva invalidna osoba, sa utvrđenim pravom na ortopedsko pomagalo i/ili pravom na tuđu njegu i pomoć, pod uvjetom da invaliditet nije priznat na osnovu statusa ratnog vojnog invalida;
- c) Da je podnosilac zahtjeva vlasnik ili suvlasnik legalno izgrađene stambene jedinice, ako se radi o prilagođavanju stambenog objekta invalidnom licu;
- d) Da podnosilac zahtjeva posjeduje građevinsku dozvolu izdatu od strane nadležne službe za pristupnu rampu, podiznu platformu odnosno invalidski lift;
- e) Da podnosilac zahtjeva živi u stambenom objektu za koji traži prilagođavanje;
- f) Da ukupna primanja domaćinstva podnosioca zahtjeva ne prelaze iznos dvije i po prosječne plaće ostvarene u FBiH prema posljednjim statističkim pokazateljima;
- g) Da podnosilac zahtjeva posjeduje projekt /projektnu ideju ulaganja sredstava, predračun, predmjer nabavke ili radova;
- h) Da podnosilac zahtjeva posjeduje Potvrdu Zavoda zdravstvenog osiguranja o participaciji nabavke ortopedskog pomagala;
- i) Da uslijed prirode bolesti podnosioca zahtjeva postoji potreba za ugradnjom komandi u motorno vozilo.

5. POTREBNA DOKUMENTACIJE

Podnosioci zahtjeva za dodjelu jednokratne novčane po ovom Javnom pozivu dužni su dostaviti sljedeću dokumentaciju:

- kućna lista;
- Rješenje/nalaz o invalidnosti izdato od nadležnog organa;
- Potvrda o visini prihoda za sve punoljetne članove domaćinstva odnosno dokaz o nezaposlenosti za članove koji nisu u radnom odnosu;
- Uvjerenje Službe socijalne zaštite općine Centar o ostvarenim pravima iz socijalne zaštite i u kojem iznosu;
- Dokaz o vlasništvu nad individualnom stambenom jedinicom na kojoj se vrši prilagođavanje (ZK izvadak, posjedovni list, građevinska dozvola);
- Specifikaciju neophodnog materijala i predmjer i predračun radova za prilagođavanje stambenog objekta invalidnom licu; (ukoliko se zahtjev odnosi na prilagođavanje stambenog objekta invalidnom licu)
- Potrebne suglasnosti nadležne općinske Službe za prilagođavanje stambenih objekata i uklanjanje arhitektonskih barijera (Urbanistička, građevna dozvola) (ukoliko se zahtjev odnosi na prilagođavanje stambenog objekta invalidnom licu);
- Preporuku nadležne zdravstvene ustanove i Potvrda o participaciji za nabavku neophodnog ortopedskog pomagala; (ukoliko se zahtjev odnosi na nabavku ortopedskog pomagala)
- Predračun za nabavku ortopedskog pomagala (ukoliko se zahtjev odnosi na nabavku ortopedskog pomagala);
- Preporuka ovlaštenog ljekara da je radi prirode bolesti, invaliditeta podnosioca zahtjeva potrebno ugraditi invalidske komande u motorno vozilo; (Ukoliko se zahtjev odnosi na prilagođavanje komandi na motornom vozilu)
- Predračun za uslugu uspostavljanja invalidskih komandi u motorno vozilo izdat od strane ovlaštenog auto servisa ili radnje; (Ukoliko se zahtjev odnosi na prilagođavanje komandi na motornom vozilu)

- Dokaz o vlasništvu nad motornim vozilom; (Ukoliko se zahtjev odnosi na prilagođavanje komandi na motornom vozilu)
- Uvjerenje o broju tekućeg računa otvorenog kod banke.

6. PODNOŠENJE PRIJAVA/ZAHTJEVA NA JAVNI POZIV, ROKOVI I NAČIN DODJELE NOVČANIH SREDSTAVA

Javni poziv će biti objavljen na oglasnoj ploči Općine Centar Sarajevo i na web stranici Općine Centar Sarajevo (www.centar.ba).

Javni poziv ostaje otvoren do kraja tekuće budžetske godine ili do utroška planiranih budžetskih sredstava.

Zahtjev sa potrebnom dokumentacijom se podnosi Službi za boračko-invalidsku i socijalnu zaštitu -Odsjek za socijalnu zaštitu, elektronskim putem, poštom preporučeno ili putem Protokola Općine Centar Sarajevo, Mis Irbina 1.

Zahtjevi će se rješavati po redoslijedu podnošenja.

Služba je dužna u roku od 60 dana od dana podnošenja riješiti zahtjev i o tome obavijestiti podnosioca.

Dodatne informacije se mogu dobiti na broj telefona: 033/562-353.

Korisnici koji ostvare pravo po ovom Javnom pozivu, dužni su dodijeljena budžetska sredstva pravdati na način koji će biti utvrđen Ugovorom/Protokolom o dodjeli sredstva.

Općinski načelnik

Srđan Mandić